

兩
浙
名
賢
錄

兩浙名賢錄卷八目次

忠烈

元

溧陽教授林古泉

趙觀光

沔陽推官俞紹芳述祖

張進九

鎮撫季坦之完澤

金德附

平江推官俞子中庸

陳仲廣恢

司經正字陳元達達

劉知事良

子毅附

松江路學官胡師善存道

董太初旭

顧生

明

神木令陳子浩剛

參議王性常綱

子彦達保
與年附

知無爲董道貫曾

雲南同知黃德隣里

弟亨附

都給事龔叔安太

子永吉附

博士方希直孝儒

號澤附

翰林修撰王原采叔英

戶部侍郎卓維恭敬

谷府長史劉仲璟璟

子新附

都御史陳性善復初

翰林院侍講樓士連璉

左拾遺戴德彝

獻縣令向遵博朴

子道淳
道欽附

太常少卿盧希魯厚質

兵部侍郎徐宗實臣

戶部侍郎盧迥

袁州知州楊任

監察御史鄭叔貞公智

按察副使程原道本立

按察司僉事林嘉猷昇

知縣鄭恕

二女附

吏目鄭思孝華

郎中梁田玉

郭良梁中節梁良用宋和郭節何洲梁良玉何申附

御史葉希賢

雪庵和尚

河西儲

附

川中補鑄匠

附

馮翕

附

東湖樵夫

常州同知石恒德允常

知府葉惠仲

兄夷仲附

知府徐安

國子助教張孔升經

工部尚書嚴震直

按察副使殷旦

督府都事潘誠夫

子凱附

福建參議張彥華

弟敬子附

張海海

通政謝時用

僕由吉子儀係元順附

兵部主事俞元器

子濤附

廣東副使毛宗吉

子科附

長隨何鼎

兵部員外郎陸汝亨

江西巡撫孫德成

子堪堪附

裕州同知郁亮之

朱知縣士亨

永福知縣周克光

愈事王汝修

姚長子

義士汪較

魏鏡

呂德國

等七

祭啓元

杜茂卿提

趙乾僧

朱汀

定海文學戎良翰

饒州府判秦仲文碧

江西左參議黃德裕宏

江陰縣知縣錢鳴叔鐸

常熟縣知縣王德誠缺

永福縣知縣周克光煥

附世胄名賢

萬文質斌

遠東都司同知李任

崔有本源

寧海所副千戶呂守誠忠

黃巖騎兵林文貴

陳表

火德光

宋汝親應瀾

秦彪

弟漢附

葉朝佩紳

韓紹附

劉大昌隆

劉大光炯

海寧衛馬呈圖

姚弘采煉蕭朝徐行便李元律附

兩浙名賢錄卷八目次終

兩浙名賢錄卷之八

東海徐象梅仲和氏謨

武原鄭忠材孝標氏閔

忠烈

元 共十四人

溧陽教授林古泉

林古泉黃巖人博極經史爲文詞下筆輒數千言如不經思慮伯生揭曼碩皆與之交以遺逸舉授溧陽教授未幾斬黃冠起古泉攝州事州陷遇害垂死罵不絕口

賊怒，燬其尸州南大樹上。

趙觀光

趙觀光，鄆人也。幼多智識，稍長，好讀書，通達時務。以郡博士弟子員，得推擇試吏，奉化州尋選昌國。至正十年冬，黃巖寇起，而昌國孤懸海中，勢甚棘。州戾帖木兒不花，同計觀光對曰：「州兵寡弱，且不諳水戰，惟請秀二山居民，悍勇善閉，素習海事。若募以厚貲，示以重賞，用之擒賊，無難矣。」戾然其言，卽以事委之。觀光招諭有方，不幾而事集。明年正月，從戾引兵出海，聞帥總軍民兵同

會海門洋俄而賊船百餘舫至衆皆僞縮莫敢前獨
光部兵與之奮戰至晚無大勝負明日觀光分給兵餉
還隄上賊復大至卽說侯進敵賊衆數倍我軍莫支
觀光持短兵接戰矢石交下我軍與賊不可辨且無
援者遂死之。

沔陽推官俞紹芳述祖

俞述祖字紹芳慈谿人圻弛不羈嘗漫游武林遇知者
携往京師時留守賀惟一多其才器延置賓館未幾賀
登中書平章政事朝廷有大疑退必請決於述祖及賀

陞左相與右相相排軋。逮祖尤善調護。補翰林院。歷
汴陽路推官。至正十二年。河南兵攻湖廣行省。長吏上
下望風奔潰。述祖慨然收募義勇。推牛享士。與敵遇於
綠林。相持十餘日。力盡無援。爲敵所執。敵欲降之。縛其
五歲小兒曰。不降將殺是。卽厲聲曰。我躬不問。遑恤其
後。何不速殺。是敵竟殺之。慢罵不已。遂至支解。逮死。罵
不絕口。事聞。詔贈奉訓大夫。飛騎尉。象山縣男子贈禮
部郎中。命有司復其家。錄其姪一人爲後。對品承襲。十
二年。詔祠於汴陽。

張進九

張進九，青田之秋廬人。世業農，敦樸有至行。至正乙未，八都賊起，進九被縛，使前誘衆降。進九怒呼曰：「諸人速來殺此八都賊！」賊加刀於頸，令如已言。卒不屈，罵不絕口，竟被殺。邑人陳德載爲之立傳。

鎮撫李坦之完澤

金德附

李完澤，字坦之，永嘉人。幼習蒙古字，求爲郡譯史，弗克補用。遂落魄湖海間。至正末，嘗從江西左丞李朵兒留燕京，得爲平江路管軍鎮撫。爲仇家所訴，免官。會賊攻

呈嶺南行省遂假完澤前官令從征完澤勇於討賊凡再戰聞下皆大勝尋又與賊閉日且至午轉戰數里深入重圍遂爲所執其妻弟金德亦被擒賊皆縛之於樹臨以白刃脅之降金德意未決完澤大呼曰金舅男子死則死耳不可爲不義奈何聽賊德曰此言最是因大罵賊怒剖二人之腹而死

平江推官俞子中庸

俞庸字子中嘉興人爲平江路推官年飢穀貴流殍塞金憲府檄庸董倉庾賑給全活數萬淮兵壓境庸募勇

士鎗守盛門郡僚高安等謂庸盍不去諸庸厲聲叱曰
公等以世臣守土一旦臨利害不能捐生報國而顧先
去以爲民望如恩與義何高安愧怒以鐵簡擊庸仆地
遂開門兵至城下庸未甦被擒置諸馬下頃之甦以計
脫去微服間道歸久之太府知其入將授以官謝之曰
吳門之役吾有死所今日之生出不幸耳尚負面授他
命見天日乎因發憤病卒年四十五

陳仲廣恢

陳恢字仲廣黃巖人至正庚寅方國珍寇海上境內騷

動恢與居僅一里聚族人及鄉之好義者禦之不克寇以勢利誘之恢譴罵不從旣而與之戰於白楓河宗族死者八十餘人寇勢益盛恢自度終不能敵逃避山中憂憤成疾而卒

司經正字陳元達達

陳達字元達蘭谿人自中之孫也父萍仕元爲宣政院使達自少徵入宿衛學書於康里子山詔書欽安殿榜稱吉擢端本堂司經正字文學官立朝蹇諤嘗劾秃魯帖木兒忤旨賴太子營救得不死辟官歸永嘉從進士

陳高受命書語及時事輒於邑流涕復召爲翰林學士
不起王師下温州自沉於淵軍士引出之持佩刀自殺
軍士奪之乃斷髮示無用安置漳州遇赦還歸谿病風
痺聞有薦於朝者藥弗禦而卒蘓太史伯衡表其墓
曰公伯祖宜中以攻下大全而編管建昌公以劾禿魯
帖木兒而幾見殺生與尼會何其絕相似也及元亡公
分致死以徇國其心與乃祖行軍司馬死分水關同諒
一門之內百戰之間風烈相終始所謂世篤忠貞者哉

劉知事良

子毅附

劉良辰之從父也仕元爲常州萬戶府知事張士誠圍常州援兵絕不至遣其子毅齎蠟書浮江問道抵江浙行省求救未及還而城陷良不屈闔門赴水死者十餘人

松江路學官胡師善存道

胡存道字師善諸暨人至正甲午辟爲松江路學官苗兵入城縱火大掠獨守學舍不去死之前一日題其壁曰。命來分教臨危要致身但圖存聖像不媿作儒臣。鄉人立祠繪像刻之於石

董太初旭

董旭字太初公健之後也少負英氣博通羣書與趙里
古思最友善古思欲與師討方國珍臺臣怒其不稟命
執之旭作詩傷悼辭極哀楚遂歸隱山中已而國珍據
台慶欲羅致幕下旭拒不受乃作詩曰鬱鬱芒碭雲未
辨蛟龍形熒熒祥星光未燭夾馬管君子慎其微草露
不可行國珍復強之終不屈遂遇害

顧生

顧生上虞人也平生以忠義自許至正間鄞寇方國珍

侵上虞時適古古思守郡城帥兵拒之生聚鄉兵出應
與賊兵戰於曹娥泉寨不敵遂遇害里人瘞其屍江岸
後岸被江濤上下皆噴而生瘞獨完人咸異之

明

共八十九人

神木令陳子浩剛

陳剛字子浩鄞人嘗與甬東傅恕窮日夜績學期以科
目自見造詣日深終不一踐場屋洪武五年徵授延安
神木令其地控西北邊人民甚稀習尚桀驁剛徒步上
任撫牧疲瘼尤急於摧折姦宄有小吏白敬臣素稱險

賊劉欽譴之而教臣先覺亡去引賊入寇與其徒劉益
宜挾刃逼令降賊劉不屈罵曰汝奴果致賊爲逆耶吾
與此邑同存亡恨不寸斬汝等賊奪劉所佩印殺之縣
遂陷

廣東參議王性常綰

子彥達孫興準附

王綰字性常餘姚人洪武初以文學徵見上親策治
道拜兵部郎中未幾潮民弗靖權綰廣東參議往督兵
餉綰致書與家人訣携其子彥達與俱單舸往諭降之
還至增城遇海寇曹真竊發鼓噪突至截舟羅拜願得

綱爲紳網諭以進願禍福不從則屬辱叱罵之遂共扶
昇之而去賊爲墮日坐綱上日羅拜請不已綱亦罵不
絕聲賊怒遂遇害彥達哀號請代不得且哭且罵曰賊
先殺我其酋長曰父忠而子孝殺之不祥與之食不顧
殺爾其誠孝釋之乃綴羊革綱尸以出歸葬承山洪
武二十四年御史齊純上其事詔立廟死所額曰父子
忠孝彥達子與準開門力學有司以遺逸薦進之山中
終身不仕

董曾字貫道，旭之弟也。師鄉先生潘壽通，習經史，善古文。元末，不仕。方國珍欲官之，力辭不受，避居東陽山中。太祖駐蹕金華，以禮招致，曾往見，說以經略，授知無爲州。遇陳友諒寇城，被執脅降，不屈而死。州人哭聲震地，立碑頌德。有詩集《天姥山賦》行於世。

雲南同知黃德隣里

弟亨附

黃里字德隣，山陰人。幼有大志，以節義自許。從王冕學，通春秋三傳，工詩詞。洪武初，舉明經，授雲南州同知。與弟亨偕往。七年，山寇突入倉卒，里以身禦之，寇欲奪其

印里執弗與且詬罵求死遂遇害。寇方肆擄掠，亨痛憤致死，命率衆百餘與寇戰，勇氣百倍。寇不支潰去，亨亦傷其左目，瀕死抱兄骨萬里歸葬。人謂里死官而亨破寇忠義萃於一門，惜未有以其事上聞者。

都給事中龔叔安太

子承附

龔太字叔安，義烏人。洪武十九年鄉薦，明年入太學，吏部策試第一。除戶科試給事中。建文三年，遷都給事中。文皇渡江，太與妻傅訣曰：「事至此，我自分死。」爾第携幼孫歸，否則俱溺井，無辱。俄宮中火起，太馳赴爲兵校所

執見 又皇金川門以弄奸籍得釋太自投城以死年
三十六子永吉累官兵部右侍郎改南京大理卿致仕
文學博士方希直孝儒 魏澤附

方孝儒字希直一字希古台州寧海人父克勤國初守
濟寧有惠政孝儒自幼精敏絕倫雙眸炯炯日讀書積
寸爲文雄邁深醇鄉人呼爲小韓子長從宋漁遊宋門
下多名士孝儒一旦遂出其上先輩如胡翰蘓伯衡皆
自謂弗如也恒以明王道關異端爲已任故世咸以爲
程朱復出洪武十五年以薦召見上喜其舉止端整

謂皇孫曰此莊士當老其材以輔汝且遣還鄉會使家
得罪詞連孝儒籍其家械送闕下 上議孝儒名特賜
開釋令奉祖母挈妻子還二十五年又以薦召至 上
曰今非用孝儒時稍擢漢中府學教授孝儒日與諸生
講明正學蜀孝王聞其賢聘爲世子師孝儒每見王必
陳說道德講經論文無虛日王甚喜爲名其讀書之廬
曰正學 皇太孫卽位廷臣交薦召爲翰林博士進侍
講尋陞侍講學士凡將相大政議輒咨孝儒 上好讀
書每有疑卽召使講解臨朝奏事臣僚面議可否必命

孝儒就宸前批荅時大召名儒修太祖實錄及類要諸書孝儒爲總裁比定官制改文學博士靖難兵起日召謀議詔檄皆出孝儒手建文遜去文皇以姚廣孝言召用孝儒不肯屈繫獄一日遣人曉諭再三終不從又召草詔及見悲慟徹殿陛上降輜旁曰先生無自苦余欲法周公輔成王耳孝儒曰成王安在文皇曰渠自焚死孝儒曰成王不在何不立成王之子文皇曰國賴長君孝儒曰何不立成王之弟文皇又曰先生無過勞苦此朕家事耳置之左右授筆札日詔天下

非先生草不可孝儒大批數字云云投筆於地又大哭
且罵且哭曰死卽死詔不可草文皇大怒命磔諸市
孝儒爲絕命辭曰天降亂離今孰知其由奸臣得計今
謀國用猶忠臣發憤今血淚交流以此徇君今抑又何
求嗚呼哀哉今庶不我尤時年四十六復詔收其妻鄭
鄭先自經死宗族坐死者八百七十三人孝儒初被薦
時王叔英與書以時措之宜爲言孝儒亦然之及侍
上輒慕古王政卽欲見諸行事以故多紛更卒無成效
其文章四方裔夷得一字寶於金壁所著有遜志齋集

四十卷其餘諸書逸不傳洪熙初仁廟嘗謂羣臣曰
若孝儒輩皆忠臣詔奸臣黨與從寬典方氏遺族始有
赦還鄉者因立祠堂祀孝儒成化初遺文始行或曰錄
孝儒家時得魏典史澤周旋藏其幼子以故孝儒尚有
後謝文肅公詩所謂孫枝一葉是君恩也孝儒死節後
至今百六十年人皆歷歷能言雖人人殊其成仁取義
之死靡悔斷然不可泯滅而同時文學柄用之臣際會
功名史有別書以故魏惠安公澤哀江南詞有曰後來
奸佞儒巧言自粉飾叩頭乞餘生無乃非直筆澤字彥

思應天人爲刑部尚書謫寧海

翰林修撰王原采叔英

王叔英字原采台之黃巖人洪武二十年薦起爲僊居訓導三十年改海安府學陞漢陽知縣有惠政嘗遇旱虔禱不效遂絕食天大雨復祈晴遂霽建文初方孝孺欲復古井田叔英貽書力阻之曰凡人有才固難能用其才者尤難子房之於漢高能用其才者也賈誼之於漢文不能用其才者也方今明良相值千載一時但天下之事固可行於古而亦可行於今者如夏時周冕之

類是也。亦有行於古而難行於今者。如井田封建之類。是也可行者。行則人之從之也易。難行而行則人之從之也難。從之易則民樂其利。從之難則民受其患。此君子之用世貴得時措之宜也。召爲翰林修撰。上資治八策。又曰。太祖除奸剔蝨。抑強鋤梗。如醫去病。如農去草。去病急或傷體。膚去草嚴或傷禾稼。是故體膚病去則宜調燮其血氣。禾稼草去則宜培養其根苗。靖難兵至淮上。建文遣使四出募兵。叔英奉詔行至廣德間。上已遜位。卽慟哭會齊秦奔叔英曰。奉貳心矣。急擒秦。

至客問之乃相抱哭相語共圖再舉已而知不可爲沐浴衣冠書絕命詞藏裾間自經於玄妙觀銀杏樹下詞曰人生穹壤間忠孝貴克全嗟余事君父自省多過愆有志未及竟奇疾忽見纏肥甘空在案對之不能嚙意者造化神有命歸九泉嘗念夷與齊餓死首陽巔周果豈不佳所見良獨偏高蹤邈難繼偶爾無足傳千秋史官筆慎勿稱希賢又題其案曰生旣久矣未有補於當時死亦徒然庶無慙於後世妻金安人繫獄死二女赴井死祠山道士盛希年救叔英葬於本州城西五里之

地正統中楊士奇題曰嗚呼翰林修撰王原采墓士奇叔英所薦起也

戶部侍郎卓惟恭敬

卓敬字惟恭溫之瑞安人生有異質七歲時相工曰此兒骨髮殊異必爲名卿惜血不華色耳年十五讀書寶香山風雨夜歸迷失道得一兕牛憑之歸比入門乃黑虎也洪武二十一年進士除戶科給事中時制度未備諸王服乘多僭敬乘間爲言上曰爾言是朕慮不及此因陞宗人府經歷進戶部侍郎建文初燕王來朝敬

密奏曰燕王智慮絕人酷類先帝夫北平者強幹之地
金元所由興也宜徙燕南昌以絕禍本夫萌而未動者
幾也量時而爲者勢也勢非至勁莫能斷幾非至明莫
能察建文覽奏大驚袖之翌日語敬曰燕王骨肉至親
卿何得及此曰楊廣隋文非父子邪建文默然良久曰
卿休矣事竟寢 文皇卽位責敬不奉迎乘輿敬厲聲
不遜怒欲殺而憐其才謂姚廣孝曰諸奸臣皆欲首先
害卿 敬諫徙封內地若聽其言則干戈息矣廣孝曰
不然南昌地居卑下金陵加兵特探囊取物耳使敬言

誠用 陛下豈有今日於是敬遂死敬臨刑從容歎曰
變起宗親略無經畫敬死有餘罪神色凜然經日猶如
生夷三族 文皇常曰國家養士三十年唯得一卓敬
後四十年劉球傳其事私謚曰忠貞敬立朝慷慨英偉
美丰姿善談論凡天文地理律曆兵刑皆能究察詩文
峭拔磊落所著文集五十卷

谷府長史劉仲璟

子新附

劉璟字仲璟文成公基之仲子也生時月食復光基歎
曰天墜乃緒而卒能幹之者也弱冠涵濡經傳喜談兵

究極韜略，握奇諸書，偉貌豐髯，議論英發，屢賊禁丁香，叛延安侯唐勝宗計之，決策於璟，破賊還，薦璟才略。上喜曰：璟真伯溫兒矣。徵入朝，命襲父爵。璟曰：臣有姪在。上曰：璟終儒家子。即日拜閣門使，謂璟曰：朕欲汝朝夕左右，惟閣門使如儀禮司，立百官上，宜達爲職，處爾無逾此官者。復金書除奸敵，供四字於鐵簡以賜之。且命曰：百官敢有不法汝持此糾正，適都御史某奏車牛事忤旨，璟卽以鐵簡擊其頸。上喜曰：正當如此。由是舉朝畏忌璟謀，所以去之。會德王封宣德府，上謂

侍臣曰谷王年少誰可羽翼王者諸大臣遂薦璟曰閣
門使劉璟忠勇果敢可任上領之授谷府長史并勅
提調蕭遼慶寧燕趙六王府事璟嘗至燕文皇與璟
奕璟勝文皇曰卿獨不少讓我耶璟正色對曰可讓
處璟不敢不讓不可讓處璟不敢讓文皇默然靖難
兵起璟馳還京獻十六策不聽令參議李景隆軍事景
隆又不聽景隆兵敗璟夜半渡蘆溝河水陷馬斃璟力
破冰跳躋岸冒雪走良鄉趾裂跛行三十里璟子猶自
大同赴難越良鄉至涿州遇璟翼璟上馬遁去璟痛憤

失策與疾赴關。進聞見錄千萬言。又不聽命。還家待用。明年六月。建文既遜位。璟稱疾不起。法官論璟逃叛親王。逮赴京。鄉人餞於道。或從容謂曰。主上明聖。何啻太宗。先生忠亮。允爲魏徵可也。璟推席起曰。爾謂我學魏徵耶。仰天大號。兩淚俱落。衆視之。泫泫然淚皆血也。不顧而去。至京。強以官辭對。上猶稱殿下。且曰。殿下百歲後終逃。不得一箇字下獄。卽夕。辮髮自經死。法官希旨。緣坐其家。上不許得歸葬。嘉靖乙酉。督學使者萬潮肖像配饗文成祠。

都御史陳性善復初

陳性善名復初以字行山陰人洪武十八年進士上見性善疑重謂侍臣曰性善君子人授行人司副入翰林爲檢討初誠意伯劉基卒命李鐸往取其遺書基子璉卽出觀象玩占石室中從鐸詣闕上之性善善楷書召入便殿繙錄上威嚴進見者惶汗手顫不成字性善動止安雅書法端正上悅賜性善酒是時威謹叵測性善留竟日家人以爲死比出大驚喜久之超陞禮部左侍郎皇太孫在東宮時熟聞性善名及卽位一

日退朝、獨召性善賜坐、問治天下之要、且使手書以進、性善感知遇、盡所欲言、朝廷悉從之、然施行未竟、輒爲有司所更、性善請見曰、陛下不以臣愚、猥承顧問、臣既僭塵上聽、許臣必行、未幾輒改、所謂爲法自戾、何以信天下、靖難兵起、改性善爲副都御史、監軍、建文四年三月辛巳、戰靈璧、敗績、與彭與明、劉伯完、王資皆被執、文皇縱之歸、性善反朝服、躍入河死之、後加追戮、家徙邊、已而赦還、

翰林侍講樓士連碑

樓璉字士連金華人嘗從宋濂學洪武中以儒士召歷
官至監察御史謫戍雲南建文嗣位屢下詔求賢璉以
文學舉入翰林爲侍讀靖難兵入命方孝儒草詔孝儒
哭且罵授之筆櫛諸地曰身可死詔不可草改命璉及
王景璉惶懼不敢辭歸而憤悶妻子曰得無傷方先生
耶璉媿曰我受刑猶可正恐累及爾輩耳遂巡一夕自
經死

左衽遺戴德舜

戴德舜奉化人洪武二十七年進士第三人初爲翰林

編修三十年與張信並陞侍讀上諭曰汝爲侍臣凡
國家政治得失生民利病當知無不言昔唐陸贄崔羣
李絳在翰林皆能正言讜論補益當時汝宜以古人自
期德彝與信皆頓首謝由是感奮思所以稱上意相
遣補闕直聲振於朝改監察御史益善其職建文中省
御史改左拾遺靖難兵起與黃子澄練子寧輩日夕畫
策防禦鼎命既遷不屈而死

獻縣令向遵博朴

子道淳道微附

向朴字遵博慈谿人宋丞相文簡公敏中之十四世孫

父壽宗慈湖之學學者稱爲樂齋先生朴得其傳行務
實踐力學養親不求聞達洪武二十五年上命督府
都事張允直訪求江南人材以朴應詔陛見高皇帝
問居家何爲對曰種田其容秀而文上心知其非耒
耜中人也因詢大麥何以四節對曰以其占四時耳卽
日授獻縣令單車就道妻子不入官舍時兵燹之餘爲
之闢荆榛畚瓦礫教百姓農桑與同甘苦流移復業靖
難兵起獻當其衝無城郭可守朴集民兵激以義勇與
北將談淵迎戰衆寡不敵被擒懷印受刑獻民哀之相

與拾遺骸并道左副都御史陳瑛請究治死事諸臣有
楊姓者父子三人懼發掘夜負骨潛葬邑北十里承樂
初中書舍人王尹實北上詢得葬所宿郵舍夢朴服血
污葛衣談其往事卽秉燭爲文秉星月往哭之消川令
韓彥起復匿其二子於任顧道輯其遺事書于寶峯庵
佛座後三人者皆義士也二子道淳道徵道淳被徵竟
稱痼疾不起有攀栢悲號之風

太常少卿盧希魯原質

盧原質字希魯寧海人父中母方孝儒姑也洪武二十

一年進士第三人授翰林編修孝儒遺原質詩曰奉天
殿上樹初開共賀江南得異才好與青蘿居士說今年
文運屬天台二十三年丁外艱賜傳奔喪二十八年陞
太常少卿事建文累有建白靖難後召見不_○屈_○死_○族其
家

兵部侍郎徐宗實

徐_○_○_○_○_○_○字宗實黃巖人以字行聘授風紀官_○_○_○_○_○_○以草茅愚
屏_○_○_○_○_○_○辭_○改銅陵簿_○_○_○_○_○_○請_○淮陰驛丞_○_○_○郡邑士多所造就_○召見_○獎
諭_○屢聘主文衡_○陞_○蘄州通判_○擢_○兵部右侍郎_○靖難兵起

奉使招集兩浙義勇明年建文遜位去。屋家覆沒於東。師屋義槩侃然杜門終老。

戶部侍郎盧迥

盧迥，僊居人。建文三年爲戶部侍郎。迥疎爽，不屑曲謹。然大節皎然，少喜飲酒，酣輒長歌。人或謂迥狂，旣仕，頗折節恭慎。靖難後，不屈，縛就刑。長謳而死，聞者悲之。或曰：盧瑛。

袁州知府楊任

楊任，嘉興人。母張氏初生任，有胡僧過門，聞啼聲，歎曰：

此兒異日必貴恐終不免於刑任至孝嗜學洪武間由
人才擢知袁州府黃子澄一見以國士許之靖難兵起
引疾歸壬午事定子澄出徵兵往約蘓守姚善航海善
不可子澄乃至任家共謀求舊君以圖大舉事泄任與
子澄俱被執至京磔於市任子禮坐死籍產族誅

監察御史鄭叔貞公智

鄭公智字叔貞寧海人力學好古工文辭方孝儒薦之
蜀孝王召至成都王與語經史論詞藝公智數稱遼河
間東平賢行王說之建文初侍孝儒至京尋舉賢良爲

監察御史吏事精敏持法不阿靖難後坐方黨論死

按察副使程原道本立

程本立字原道系出伊川上世徙崇德今析桐鄉本立少有大志讀書不務章句與海鹽沈壽康友善嘗執手告本立曰世之學者爭務科舉以經學爲名而無實吾所不取子之質近厚年且富當志於聖賢之學本立遂篤志修檢造詣日深國初舉明經秀才洪武九年除秦府引禮舍人十三年補周府引禮官從王之國二十年春進長史從王來朝被累謫雲南馬龍他郎甸長官司

吏目留家大梁從一僕去會死可伐竊誘百夷爲逆本
立單騎入夷巢諭以利害諸酋落感悅歸附是冬諸夷
復變帥潘沐英張紘屬本立行縣典兵事且撫且禦本
立不避險難山行野宿自楚雄姚安抵大理永昌鶴慶
麗江往來綏輯民夷稍安三十一年奏計入京應天府
尹向寶翰林學士董倫薦本立學行政事宜留徵入翰
林克纂修官修 太祖實錄建文三年實錄成改江西
按察副使未至江西聞靖難兵入自縊死後百三十年
福建布政使吳昂刻其吳隱集於閩壽康人稱爲孝隱

先生自有傳

按察司僉事林嘉猷昇

林嘉猷名昇以字行臨海人少師同邑王琦琦坐累徙雲南姻族無敢顧者嘉猷徒步千里追送泣別人高其誼後與鄭叔貞負笈六千里至漢中師方孝儒時學於方氏之門者踵接而孝儒獨以得二人爲喜曰匡我者二子也洪武末以儒士校文四川建文初薦修高廟實錄入史館爲編修遷陝西按察使僉事嘗被召入燕邸得其隱知二郡王素傾世子以告孝儒孝儒言之建

文君遣錦衣千戶張安持書請燕許世子王燕燕內使
黃儼因問世子計且得行而世子竟先發事遂洩靖難
後坐方黨逮至京不屈死之

知縣鄭恕 二女附

鄭恕字本忠僊居人治尚書能賦詩善書畫好古博雅
家甚貧金魚餽塵一介不妄取蕭然斗室日與學徒數
十人講論經理高風勁節一時敬嚮寧波知府禮聘爲
昌國訓導未幾陞蕭縣知縣留心撫字民愛敬之建文
四年靖難支將王聰攻破蕭恕死之年五十六後籍其

家二女皆配亦死之子漁湜姪溫及謫北平種田

吏目鄭思孝華

鄭華字思孝臨海人洪武十八年進士初授行人奉使川廣有令名建文元年註誤謫東平州吏目靖難兵起謂其妻肅曰吾義必死奈親老汝少何妻泣對曰君能爲國妾獨不能爲君乎華乃稱疾尋醫携家託其友無錫丞趙次進馳還東平時州長貳皆弃城去華獨率吏民憑城死守憂勞病甚水漿不入口者三四日北將朱能攻陷東阿分兵取東平華曰守土之臣義不苟生請

援山東又不至乃力疾戰不屈死之時年甫三十

鄧中梁固王

郭良梁中節梁良用宋和郭節何洲梁良王何

梁固王定海人靖難兵入金陵與葉御史俱髡髮爲僧避去久之松陽人王詔遊治平時親轉藏聞藏上嘆有聲異之令人緣藏上登頂無所見唯見一卷書載建文時出亡臣僚二十餘人事紙毀泐字多斷爛不可讀讀數日稍稍詮錄其可識者得田王郭良梁中節梁良用宋和郭節何洲梁良王何申凡九人人僅數言詔憐其忠又得之異各贊數語題曰忠賢奇秘錄贊田王曰

行。儒。名。釋。知。我。者。誰。至。寶。濟。沒。久。而。同。燁。

中書舍人梁良玉與梁郎中同族靖難兵人誅妻子易姓名挾微貲走出金陵逾嶺至海南寓市肆鬻書爲業以死贊曰忠臣蹇蹇遵彼海濱沈書欲市資以盍簪屯如遭如哀此陸沉

中書舍人宋和郭節皆不知何許人靖難後變名挾上簞書走異域賣卜給衣食客死

何洲不知仕何官與宋和郭節友善素以忠義相最遂相約爲簞人客死異域詔合洲與宋和郭節而贊之曰

箕子陳範嚴氏隱卜義有從否道有宜告烈烈英賢寥寥冥鵠。

梁中節定海人未詳仕何官少好讀老子太玄經靖難後與郭良弃官同走出京城爲道士入山去。

郭良亦不知何官何處人靖難後亦弃官爲道士合贊曰駕言導引笑傲林臯頽波莫挽使我心勞。

梁良用亦定海人父子兄弟八人同仕於朝靖難後相率變姓名避去良用去爲舟師已而死於水或曰梁氏父子兄弟爲舟師技術死者五人贊曰泛泛柏舟載浮。

載沉中流。誓節惟我好音。肯欠一死。非名是尋。以完我族。庶明我心。

中書舍人何申不知何許人。建文末奉使四川。至峽口。聞金川門不守。發憤慟哭。吐血不數日。疽發背死。贊曰。兩涯洶洶中作霹靂。義氣憑股。與之俱激。奸諛過此。寧不惕息。

鄭端簡曉乃隳括王子之詞。合而銘之曰。今吾故吾。如我者誰。瘠若漆身。希蹤採薇。戢戢潛龍。寥寥冥鵠。豈吝箕疇。而甘漢卜山椒水滢。天涯海濶。會其可逢。鼓以南。

音肯欠一死以明我心白霓晝見真淵沉沉孰阿護此
悠悠古今嗟乎靖難時死者無慮千人宋張林黃諸君
千百方搜考僅得百餘人此二十餘人者幸而不死又
得好義者密錄其姓名藏之蕭寺秘處歷百餘年而玉
詔始見之縉雲鄭傳爲識其事竟以紙字磨滅故僅得
九人其十一人不可考矣

御史葉希賢

葉希賢監察御史也或曰浙東人或曰起家鄉薦入臺
侃侃自質建文中屢疏言用兵事又嘗劾耿李二大將

矢律喪師金川門失守又詐藩守門者城難後坐逆黨死

雪庵和尚

雪庵和尚名暨不知其姓靖難初方黃之獄殺幾萬人卽不殺謫戍窮邊不死於道死於邊者又幾萬人當是時和尚壯年始痛哭落髮爲僧西南走重慶大竹善慶里里墟中有隱士杜景賢知和尚非常人與之游往來白龍諸山山傍有松栢灘潭水清駛蘿篁森蔚和尚欲寺焉景賢豪有力卽爲之寺寺成和尚率其徒入居之

所夕誦經。山中人不知書。謂且誦佛經。乃不知其誦易
乾卦也。景賢曰。和尚相釋而誦儒。不可。請誦佛經。乃和
尚亦知景賢意。遂誦觀音經。和尚好觀楚詞。時時買楚
辭。櫛之。登小舟。急棹灘中。流朗讀一葉。輒投一葉於水。
投已輒哭。哭已又讀。讀終卷乃已。衆莫測其云何。景賢
固知之。然亦不問。和尚好酒。不戒酒。日注酒一壺。俟客。
客至輒飲。客不至。卽拉樵牧豎人飲。飲半醺。呼兒童歌
田。表歌爾和歌。竟瞑焉而寐。和尚頤形秀爽。指柔白。翦
蕭蕭筆。成畫詞。不甚工。密然意氣渙發。又能感喻人。或

時和尚當建文壬午爲御史不數月帝遜位和尚因秘跡以死死之日其徒問曰師卽死宜銘何許人和尚張目曰松陽問其姓名不答和尚有詩若干篇今且百四十餘年尚未敢顯行於世或曰此松陽葉希賢也以賢良方正舉爲監察御史

河西傭

附

河西傭不知何許人建文四年夏六月靖難師入金陵傭披葛衣走是冬至金城行乞市中金城邊地極寒傭披葛衣明年遇河西依莊浪豪魯家爲傭傭取直稍稍

積買羊裘披而覆以故葛衣葛益破縷縷竟不肯脫夏
或衣暑布布卽新故葛衣輒覆其上傭錢稍有餘走市
中買牛肉與酒與市中乞兒共飲食傭力作倦時自吟
哦或夜聞其哭泣聲永樂中有留都官從宋總兵至莊
浪者嚴備欲與語傷走南山中避之旬月留都官去乃
還自問留都官傭何人者留都官亦不答在莊浪數年
病且死呼主人謝之且囑曰我死勿殮我棺幸西北風
起火我無埋我骨魯家從其言

川中補鍋匠亦不知何許人往來夔慶間爲人補鍋至
州邑不過三日卽去去或復來夔慶人有欲學補鍋者
卽教之補鍋不索謝直令負擔從有後曹學者至卽遣
先學者去如是數年夔慶間人識之皆呼爲老鍋匠補
鍋或與錢布米不擇當食時與之食卽不復索錢錢稍
稍積囊中遇風雨寒暑不出補鍋卽出錢買酒飯自飲
食常寄宿蕭寺中一日於夔州市上忽逢馮翁者二人
相顧愕然已而相持哭哭已相牽入山岩中坐語竟日
學補鍋者屏不得聞二人語語已又相持哭且別去言

今永訣不可復相見已竟莫知其所終蜀中蛾眉亭嘗
有建文遺臣題詩云一箇忠臣九族殃全身遠害亦天
常與齊死後君臣薄力爲君王固首陽

馮翁

附

馮翁亦不知何許人在夔州以章句教童子給衣食能
爲對句及古詩詩成輒自題馬二字或馬公或塞馬先
生每作詩輒大書壁間比見補鍋匠後卽鎗去前後所
題詩詩有傳者曰夜夢何奇特龍飛天漢津朝橫滄海
曲夕過溟渤濱光雲皆五色蜿蜒無損鱗淵田變化間

張翥

卷之八

七

七

張主藉高見，時蓋永樂甲申乙酉間，未幾辭主人去，莫知所終。

東湖樵夫

東湖樵夫者，樵浙東臨海東湖上也。日負薪入市口，不二價。建文壬午秋，詔至臨海，湖上人相率走縣庭聽詔。或歸語樵夫曰：「新皇帝登極，樵夫愕然曰：『皇帝安在？』或曰：『燒宮自焚矣。』樵夫慟哭，遂投湖水中死。竟不知何許人。」

鄭端簡曉曰：余聞之陶徵士，言齊二客魯兩生，史竝失。

其名操行之難而姓名囁然撫卷長歎不能已已余獨
幸夫雪菴諸君子忍垢茹荼卒晦其名以不滅其族也
常州府同知石恒德允常

石允常字恒德寧海人洪武甲戌進士歷官河南按察
司僉事廉介有聲人稱石清潭每分巡屬邑必微行民
間嘗聞哭聲甚悲允常庶知其女爲閹宦逼姦而死受
其訴聞於朝捕閹抵法羣閹銜之巧構允常左遷常州
府同知俄北師起允常弃官歸文皇卽位追諭建文
間廢毀州府官僚事逮至者五十餘人允常與焉衆悉

海。懼。服。罪。人。輸。贖。米。五。十。石。獨。允。常。鍛。鍊。百。端。堅。不。肯。
服。繫。獄。二。年。免。死。謫。戍。中。屯。衛。躬。操。甲。冑。幾。三。十。年。
年。七。十。代。還。過。南。都。感。愴。病。卒。於。舟。中。

知府葉惠仲

見夷仲附

葉惠仲初名見泰以字行臨海人與兄夷仲並有文名
稱二葉惠仲初任廣武衛知事陞知縣建文初以知縣
克史官修高廟實錄二年同考禮部陞知府永樂元
年二月坐修實錄時書靖難事爲逆黨論死籍其家

知府徐安

徐安郵人洪武中舉人材累官濟南知府調鳳陽靖難兵自儀真趨京師奇兵間道從靈壁出鳳陽渡河安謀知折浮橋絕舟楫拒守靖難兵竟獲漁舟以濟靖難後放歸田逾年舉遺逸有司上安名得復任居數載鳳陽諸戚里奏安凌宗親庇細民奪莊田文皇始怒曰朕昔尚爲安所困況若曹乎逮安謫戍雲南

國子助教張孔升經

張經字孔升蕭山人洪武中以明經舉累官國子助教靖難師入城弃官歸時事出倉卒夜半縋城而下幅巾

野服絕口不言時事人亦鮮知其心者晚年以棋隱東
號橘樂年八十餘而終

工部尚書嚴震直

嚴震直烏程人洪武五年起家布衣授試參議歷陞工
部右侍郎進尚書二十六年鄉民訴其弟姪不法上
付震直訊報獄具上以爲不欺赦其弟姪已而坐事
降監察御史二十八年陞右都御史復爲工部尚書三
十年二月震直上論兩廣鹽法得行江西安贛吉臨諸
府震直質直動敏上數稱之時時賜食復其家靖難

兵起震直督餉齊魯間兵敗爲北兵所縛置布囊兩馬夾昇至北平建文遜位後復爲工部尚書奉使安南至雲南見建文悲愴不食吞金而死

按察副使殷旦

殷旦蕭山人永樂初進士爲監察御史敢言自任不避權勢錦衣衛指揮紀綱怙寵奢僭旦劾其奸惡數十事綱遂棄市自是貴倖斂戢當時有殷旦入朝百官失色之語拜交趾按察司副使黎利叛安南復沒於交趾悉逐朝廷命吏易以所親獨留旦欲用之旦不屈自經死

交人義之具棺衾送其妻子出界上

都督府都事潘誠夫子凱附

潘禮字誠夫鄞人永樂中徵修永樂大典授後軍都督府都事宜德元年從安遠侯柳升成山侯王通征交趾升恃勝有驕色禮諫不聽會賊再至升出戰忽橋斷軍分而敗升欲降禮曰不可唯死戰而已帥所部皆死之通脫歸以聞詔徵其子凱爲進賢學訓導世襲從仕

福建參議張彥華瑛弟敬子熙附

張瑛字彥華建德人自幼剛方端重尤勤於學領永樂

十二年鄉薦授刑部主事遷員外知建寧府時延平沙尤鄧茂七構亂其黨葉宗留等聚衆至數千蔓延至建寧荼毒日甚瑛募壯士團義兵擊走之以功陞福建左叅政仍掌府事後餘黨復作徧徧轉甚至臨城下瑛與弟敬率兵討之乘勝逐北弟敬戰沒瑛爲伏兵所獲欲降之瑛大罵不屈而死事聞贈嘉議大夫福建按察使遣官諭祭官其子熙爲羅田主簿

張海海

建德張海海一名文淵洪武初編伍營州尋調開平永

樂十七年、從興安伯徐亨備邊、俘於沙漠、虜主奇之、欲
妻以女、懇辭、與之官、不受、因入貢人至京、附奏密情、十
四事、朝廷嘉之、頒旨開豁原籍、仍免差徭、次年得古璽、
欲南通、適天色頽迷、追騎甚迫、乃募衆於裙幅間、投礮
於水、至則真跡爛然、馳獻、宣皇召對便殿、賜五品服
色、酒飯寶鈔、次日聽宣、賞賚如前、賜職錦衣衛千戶、懇
乞歸田、海海在虜一十五年、時比之蘓武、

通政使謝時用澤

僕由吉子儼孫元順附

謝澤字時用上虞人、永樂中舉進士、授刑部主事、歷郎

中推立法意慎持不刻同官服其詳雅會戶部侍郎周
忱經略東南運賦薦澤爲已副居淮浙數年勞績茂著
出爲廣西右叅政佐柳侯征夷招撫全活者以萬計當
是時澤與甄完胡智皆以藩憲有聲人稱越中三良正
統十四年虜內訌北邊戒嚴朝廷擇才望守要害貴臣
有受命者乃爲規避而澤以九載考績待除闕下遂拜
澤通政使提督居庸白洋等關是時駕已北狩京師軍
伍空虛澤卑駢以往其子儼送之出境澤執手與之訣
曰吾必以死報國矣既抵關上士卒方散亂又不知通

政爲何官無一人出迎者澤乃宜勅旨集將士將士乃稍稍至然皆懷怯不振頃之虜大入吏卒皆散走獨澤稍率麾下破山口且拒且却或請移他閑姑避其鋒可無虞澤曰吾受國厚恩三十年此豈偷生日耶會風起沙塵漲天人馬不能辨遂得却走入閑南佛寺中門急猝不暇閉虜矢至澤端立厲聲叱之遂遇害虜騎方亮斥其僮曰由吉者抱澤骸匿亂尸中始得歸朝廷嘉其忠諸賜葬祭錄用其子儼大理評事孫元順正德丁丑進士終工部郎中

兵部主事俞元器鑑

子偉附

俞鑑字元器桐廬人登正統六年進士丁外艱哀毀骨
立服闋授兵部職方主事奉命清理大同等處軍政清
慎詳敏取舍得情十四年胡寇也先犯順郎中胡寧當
行以疾求代鑑慷慨許諾有以子幼家遠沮之者鑑厲
聲曰國事如此可言及身家耶至庭中撫二子摩其頂
曰若等自當成人我不能顧矣時尚書鄺埜知其賢悉
與籌畫應對如流力勸埜奏 上班師不聽七月十六
日抵大同命平鄉伯出戰敗績回至宣府八月十三日

過雞鳴山遇寇成國公朱勇敗沒回至土木也先人馬
大至皇輿失守鑑謂其家丁曰若急走報吾不得歸矣
遂躍馬入虜陣死鑑氣節慷慨有大志八歲聞父讀出
師表卽能扣其大義事親與兄如成人禮忠孝蓋出於
天性景泰改元贈承德郎官其子偉正德間僉事韓邦
弼題其墓曰惟公事不避難勇克死義爲臣以忠卓哉
無媿

廣東副使毛宗吉吉

子科附

毛吉字宗吉餘姚人景泰五年進士授刑部主事是時

錦衣衛指揮門達等怙勢作威其黨有犯有司莫敢問
獨吉懲之以法不少假於是其黨交訐之吉偶以失朝
下詔獄乃羣嗾健卒梃之幾死轉廣東僉事分巡潮惠
時劇賊楊輝據程鄉之寶龍石坑龍歸三洞攻掠城邑
吉督七百餘騎破賊三千衆擒其黨曾玉謝瑩而寶龍
之賊伏山上發毒弩我軍不利乃選死士百人掩擊之
楊輝殪衆遂驚潰連破三洞斬首五百級俘六千人又
擊破雷州巨寇部內悉平捷聞降勅獎諭陞副使總理
軍務賊又攻河源縣吉屢敗之餘衆遁於陽江之雲岫

山我師徃勝突入賊營陣亂賊合兵乘之我師潰從騎
勅退避吉不聽死之是日晝晦烈風雷雨大作山谷皆
震動踰七日得屍貌猶若生事聞贈廣東按察使謚忠
襄遣官論祭錄其子科入太學廣東及餘姚皆廟祀之
初吉之遇害也貧無以歸僚長以稿軍餘銀密付吉家
僮爲道路費吉神降於僮婦亟呼曰夏憲長吾平生玉
潔肯含垢入地下哉悉索還之闔署駭歎謂其死無易
節如此科後亦舉進士有名官終提學副使

長隨何鼎

何鼎餘杭人其入內爲長隨不知其所自性儉素好讀書知大義弘治間目見張皇后兄弟出入宮禁無所忌心甚忿忿以爲祖宗法度外人不得至此安敢瀆亂乃爾一日孝宗與張飲偶起如廁除御冠於典冠者張戲之復帶酒污宮人鼎遂持金瓜候宮門擊之時太監李廣露其事僅得脫明日鼎上疏極言之張后大怒粹鼎至撲殺之投尸海子時翰林某有詩曰外戚擅權天下有內臣抗節古今無道合比干惟異世心於巷伯却同符至今人猶能誦之

兵部員外郎陸汝亨震

陸震字汝亨，蘭谿人。少從楓山先生學，慷慨有大志，以名節自砥礪。舉正德戊辰進士，授泰和令，恩威並著，振恤民艱，邑稱大治。考最，授兵部武庫司主事，遷車駕司員外郎。時江彬怙權伺釁，而車駕多巡遊，震抗陳仁義之疏，禍幾不測。賴大臣救免，已卯春，彬復誘上南巡，命下，中外洶洶懼變。叵測，震曰：「事急矣，既不能去，又不能言，吾何以祿爲？」遂與同官黃公鞏、陳六事請斬江彬，以謝天下。彬銜之，矯詔下錦衣獄逮繫，月餘，拳拮。

踰於庭。五月三訊三杖面斃。時靄霧四塞。晝晦如夜。水溢內海。子玉河七鐵柱齊折如斬。僉曰。此乃天意示變也。初震之在獄也。病創方劇。乃與黃公鞏講易九卦。以明處憂患之道。其從容就義如此。世宗卽位。首詔贈太常寺少卿。遣使諭祭。錄其子體仁有司爲立專祠祀之。賜額曰褒忠。

江西巡撫孫德成燧

子堪堦附

孫燧字德成。餘姚人。弘治癸丑進士。自刑部郎歷藩臬。並以廉幹著聲。時宸濠逆謀。日露。朝議選才節大臣。推

其機牙、權副都御史、巡撫江西。燧聞命，歎曰：「投艱於我，死生以之。」携二家僮入南昌。南昌洶洶，謂宸濠旦暮得爲皇帝。諸省臣附黨及羣小依附者，相助爲聲勢。燧左右盡宸濠心腹，言動輒告宸濠。先是宸濠中傷胡世寧，下詔獄。燧力爲滿雪，得不死。至是，雖逆謀有迹，顧宗室不敢先事訟言，但託禦他寇，曲爲備。首城進賢，又城南康又城瑞州。南康安義鄉者，盜賊淵藪，近割地開爲縣。饒撫二府罷兵備。燧曰：「緩急曷倚？」奏復饒撫兵備，不果。復又請勅湖東道分巡兼理兵備，與饒相爲犄角。九江

當湖衝最爲要害請重兵備糧兼攝南康寧州武寧瑞
昌及湖廣興國通城廣信橫峯青山諸窰地險人悍設
通判駐其地兼督六縣又恐宸濠一旦起劫兵器假以
討賊盡出會城兵器外府凡七上疏言宸濠必反輒爲
奸黨所邀匿勿得達卽達上又爲諸權倖盜致宸濠
所索金壁謝不得已乞休又不允積憂勞數月髭髮盡
白十三年江西大水宸濠所畜賊凌十一吳十三閔廿
四出沒鄱陽湖行劫燧與按察副使許達議調兵勦之
三賊遁沙井去燧出不意乘夜出江外掩捕遇大風雨

不克濟三賊竟走匿宸濠林墓中不可踪跡時御史蕭
淮發宸濠反狀朝廷遣重臣卽訊宸濠懼將舉兵會生
辰宴官屬明日入謝宸濠伏諸兵校幕中出立露臺上
宣言太后密旨詔我監國燧毅然曰安得有密旨者卽
有密旨何不宣讀濠厲聲曰毋多言我取南京汝保駕
否燧益怒瞋目直視濠曰天無二日國無二王太祖
法制在誰敢違者濠怒却入殿中易戎服以出幕中兵
皆起露刃環立濠大呼罵曰我何負於汝汝奏我七本
燧曰朝廷何負於汝汝反耶濠大怒喝武士縛燧一時

僚屬皆駭愕相顧。股栗不敢出聲。獨副使許達奮起爭曰。孫巡撫朝廷大臣。安得無禮。濠命并縛達。押出惠民門外。斬之。皆挺立不屈。罵不絕口。死。宸濠竟用三賊爲爪牙。僞稱將軍。首遣婁伯招誘賊黨。至進賢。知縣劉源清斬伯。乘城拒守。宸濠又遣人招黨。賊黨有官司在。不得發。又大索兵器。城中不得賊。不得兵器。皆持梃竿。比至安慶。王守仁起義兵。擒宸濠湖中。諸逋賊至安義縣。有守吏不能走。故盡獲。湖廣浙江以饒撫故。不被賊禍。皆由達先事設機。發必中的。是以後起者得擒賊。如

保懷領死難者久之阻於佞倖未得褒贈至嘉靖元年始贈禮部尚書謚忠烈立祠祀江西錄其子世錦衣子戶先是弘治壬子浙試場夜半見二巨人衣緋綠東西立大言曰三人好作事忽不見已而燧與王守仁胡世寧同舉及濠之變胡發之孫死之王卒戡定之世以爲偉談忠烈公三子堪墀陞堪以父蔭官錦衣中武舉第一歷都督僉事贈都督同知初聞父訃慟哭挾刃率二弟赴之會濠已擒乃扶柩歸葬廬墓三年有芝產墓上已而奉母楊夫人就養京師日率二弟伺顏色拜跪起

居務盡其權、而當退處、痛其父、淚時時霑臆也。及楊夫人考終、已九十餘、堪亦踰七十矣、竟以哀毀骨立卒於途。撫臣上其事、詔特以孝子旌之。埤領鄉薦、以文學入典內制、終尚寶司卿。其孝友無間於弟兄、陞自有傳。孫氏父子兄弟、聞文武忠孝、尤世所希、儼云。

裕州同知郁亮之采

郁采字亮之、山陰人。少刻苦向學、有節槩。正德戊辰登進士、授刑部主事。不能阿部長、部長附吏議奏、謫大名教授。稍遷裕州同知。適流賊起河北、殘破州縣、勢甚熾。

采身率裕人繕城以待賊至。裕守欲奔城走。采曰：母爲民望，乃身先登陴，矢石四下，賊避城而營，則又遣人潛俘其醜，手劒之，洒淚以激州人。州人感且泣，人人願效死。賊稍稍引去。采計其必復來，益練兵，厚爲備。令人昇妻女，托其友儀賓莊士僞且與訣曰：脫賊再至，采必死。所欲以家累累君者，恐重傷老母心也。莊館其妻女於母所，已而賊果擁衆譟呼至。守益怖欲走。采曰：毋恐。西南城塹河也，寇難近。屬公東北平淺易破，有采在，左右知采必死，謂曰：母在，奈何死？采曰：止。曾見倫生以爲孝。

手賊攻東郭不克守開西門潛遁去賊乘之入采還救
巷戰被執罵不休賊裂其口輔殘其體事聞詔贈光祿
寺少卿命一子入監采無子子其弟東之子翀采既死
賊據裕二旬乃退莊率其家人於菜戶中辨其骸而飲
之已而奉其柩及其妻女罄家泣送以行唐王大書忠
節二字以旌之采所著有蘭州集毀於賊手獨六思詩
及賊退古詩數篇莊收之故傳莊嘗有詩挽之云身後
春秋有是非路人爭以口爲碑重於岱嶽捐生日怒若
雷霆屬賊時那忍茫滂猶有母尚憐伯道竟無兒皇天

我墮睢陽浹半月荒城未晨尸來誠忠臣莊亦義士也
哉

朱知縣士亨

朱士亨慈谿人少有志操由薦舉任交趾那岸縣知縣
以中原禮義之化教誨其人俗爲之變交趾陷欲脅之
降慢罵不屈而死

永福知縣周克光煥

周煥字克光浦江人資性穎悟博學能文章居家以孝
友稱嘉靖戊午由貢授福建永福縣知縣居官兩月倭

寇猖獗攻陷郡邑城池所至風靡煥率民兵晝夜督戰
斬獲百餘級賊退憤甚益衆并攻煥勵志堅守月餘力
竭糧盡外援不至城陷猶喋血巷戰死之時一家死者
八人福民白於上官立祠特祀扁其額曰忠勇

俞事王汝修德

王德字汝修永嘉人弱冠成甲第授東昌府推官父繼
服闋補大名兩司雄郡理以一切治辦稱擢給事中即
勸上簡內閣輔臣失執政意時北虜闖入內地薄京
畿德上方略十餘事當上青比奏即報可出募兵山

東爲諸道最精紳士大夫交口推其才謂可當一面而
德亦誓以死報國會新太宰上事德棧刺少殺其禮太
宰以爲強項而惡之遂承執政指出德爲廣東按察司
僉事德所募山東兵精甚每自恨不得以其兵當虜一
面而其餘事嶺南也數選練曉銳以軍法約束之身入
諸徭寨所傷殺捕擒適當歸適有倭亂乃納太夫人城
中而從其宗人豪散資財募兵爲募井捍嘗一再敗之
斬首獲生以數十計最後雖擊敗賊然失其豪以是憤
志奮益前冀復豪仇而郡援不至兵遂敗德猶手射敵

數人罵賊以死。賊自是奪氣。卒不敢越德鄉而薄郡郡。賴以完。事聞。天子嘉其誼。贈太僕少卿。賜祠春秋祭。額曰。愍忠官其子一人錦衣百戶。世世勿絕。

姚長子

姚長子者。會稽人也。嘉靖乙卯。倭寇自諸暨突入郡境。獲長子。貫其肘。使爲導。長子乃給之西。而密呼鄉人曰。俟我過某橋。若等亟徹之。我引賊入絕地。可悉就擒。我死。不恨已。而果陷賊於化人壇。四面皆水。我兵截其後。賊知爲所紿。殺長子。挫其尸。賊百三十餘人。乃盡殲於

此鄉人立祠祀長子於死所

義士汪較

汪較奉化人也力挽強弩尤精矢藥矢刃俱習有司上於軍門賜以義士關防嘉靖壬子夏倭寇入奉化應家湖較率兵射斃十餘倭倭創艾遁去較竟被傷以亡當道命有司營葬表其門曰義士之門

魏鏡

魏鏡慈谿人生有絕力善格鬪聞倭寇至海濱輒自奮曰誰無死者死而能衛桑梓庶幾爲義鬼矣乙卯賊由

餘姚至鳴鶴縣令曹本率衆禦之兵敗鏡負縣令脫走
賊復追之踰社湖嶺而南鏡乃操刀衝殺數賊賊斫傷
其額猶憤怒力聞竟死縣令爲之灑泣爲文祭之

吳德四 弟德六附

吳德四慈谿人海濱農夫也倭上平石經其廬驅其衆
彘德四持鋤目田歸遇倭於門揮鋤中其腦仆地弟德
六取倭刃追殺一魁遂以壯勇有聲隸杜槐部每遇寇
卽衝鋒奪旗以爲常海道知其名檄往攻舟山險寨德
四直前砍賊渠於轅門寨內驚擾噪而出怯卒皆遁旆

走而賊斫德四躡德六奮呼曰兄死矣獨前殺其殺兄者後兵不繼六亦死賊渠被戕寨不能守卒爲官兵所破

葉七

葉七者定海衛軍也賊渠王直負金塘烈港穴爲寇大將俞大猷提卅師直入其港討擊火炮橫發烟焰漲天勝負未分而我舟忽挂賊纜檣楫不能施賊衆方逞七徑取斧投水以其纜未及斷賊以矛刺七貫其頂七大呼曰死矣吾必斷其纜連揮數斧纜斷而沉舟遂免後

四日大猷卒破賊而空其穴以不得七尸爲恨厚卹其家爲招魂而葬之。

蔡啓元

弟昆元附

蔡啓元以良家子勤王擊倭奴累戰功授千夫長嘉靖三十八年三月丁酉我兵當賊於奉化之江口橋行列已定鼓而向賊隊士俱錯愕不前啓元獨奮怒裂眦罵不休徑匹馬縱橫而前與賊逼賊駭或走或伏啓元手格殺數人會天新雨馬行淖潦中不得出力盡矢空顧左右皆散去僅弟昆元與二三家僮不去啓元怒益甚

瞋目揮劍罵賊曰吾不啖汝肉非夫也獨殊死戰良久賊乘間涉河繞其背刺之死踰時猶怒立馬上不墜人共壯之軍門命有司具棺歛給貲歸其喪

杜茂卿槐

父文明附

杜槐字茂卿慈谿人家濱海倜儻游俠輕財好施少游塞上歷訪邊徼險要有抵掌伊吾之志比歸而值倭寇屢犯內地從估客得島上狡慝狀曰是將滋蔓遂散家貲結驍勇傾身下之得士死力癸丑寇薄觀海衛城槐曰衛破卽無縣矣一呼而羣勇俱集直前砍賊賊走衛

遂得全乙卯五月賊又犯鳴鶴槐率衆迎擊賊走餘燒
東山槐越境追之適賊飯空舍中槐提刀直入賊伏墻
隅揮刀中石刀缺內賊競出槐與五六健卒提缺刀當
之自午至酉鏖戰不已戮其渠并從賊三十二人竟以
飢疲力竭昇歸而絕後賊見黑旗卽驚遁曰杜兵至矣
父文明痛其子死其麾下壯士皆願從文明殺賊以復
讐未幾賊燬鳴鶴文明昇死出曹令於重圍之中是年
冬寇自黃巖犯寧海文明偕畢主簿統兵遮要遇寇於
奉化楓嶺之麓據高臨下布陣方定而生兵遽走杜兵

寡不能敵遂與里主簿俱死焉。一年中父子同死國
事當道義之爲請於朝勅贈槐光祿寺署丞文明府經
歷死所立祠有司歲時祭祀復其家仍廕一子入監讀
書。

趙乾僧

趙乾僧象山人少負勇略倜儻不羈嘉靖癸丑倭奴寇
白石梅溪逼縣治上下驚怖僧奮不顧身率勇士數十
人逐之賊二賊賊衆稍却僧乘勝追之墮其伏中遂被
刃死當是時邑尚未城而賊終不敢犯縣境者蓋僧有

以奪其魄云

朱汀

子友章王永希附

朱汀亦象山人多勇力素好劍槊嘉靖甲寅四月倭賊登赤坎屯李家畝大肆擄掠汀與其黨王永希及子友章等數十人直擣其穴賊奔管走追至開口巖日已晡賊計窮感遂返戈逆戰良久汀爲流矢所中猶手刃數賊力不支顧謂其子曰吾以死報國汝等宜速去友章大呼曰子獨不能以死報父乎與王永希奮力直前格鬥死

定海文學戎良翰

戎良翰定海縣學博士弟子也資性峻介義不苟合素以忠孝自期每讀書扼腕輒投其筆曰班定遠何人能以拘儒終哉識者以功名期之嘉靖丙辰倭夷大掠內地遂陷慈谿良翰家靈緒去慈壤甚邈乃倡義集鄉中子弟拳勇者部署之得百餘人傾家貲市牛酒與共酣飲擲盃大呼挺戈而前直與賊搏力斬二級賊披靡去復呼子弟輩飲其餘瀝顧賊去未遠恐貽禍隣邑普盡殄之乃已遂率衆追之與賊遇於丘洋良翰攘臂一呼

目眚盡裂奮戈力戰賊慙前驅益其衆張兩翼而來達
出於後腹背夾攻矢如雨集良翰力不支爲流矢所中
死猶怒目握戈僵立不仆賊不敢逼而遁監司爲之禮
葬且表其門云

饒州府判秦仲文碧

秦碧字仲文慈谿人少博學工文辭領弘治己酉鄉薦
屢上春官不第謁選得江西饒州府通判者庶能聲會
萬年縣姚源賊反勢猖獗甚督撫陳金討平之其黨尚
衆而巨魁王重七等陽聽招撫實懷異志碧受檄署萬

年時縣治初建百務草創史胥皆爲賊耳目上下洶洶
碧苦心經畫衆稍戢而兵使李情謂亂民宜重典特用
嚴罰繩之益不能堪遂復叛殺兵使縣佐指揮等官幾
十人碧亦被執賊帥號於衆曰秦爺清庶好官不可害
碧厲聲罵曰我朝廷命官豈向賊奴求活耶汝不敢殺
我我必寸斬汝矣因顧左右曰官兵何在賊驚疑有伏
遂遇害時正德癸酉十月也事聞詔立祠旌忠愍一子
散官議贈諡未果士論至今惜之後從姪中丞鎮撫江
西爲文祭祠下忽有風霾之異人謂其精靈不朽云

江西左叅議黃德裕宏

黃宏字德裕其先爲鄞人國初有名子良者從戍於京
隸羽林右衛改隸孝陵常往來應天之六合因家焉起
家進士爲萬安縣知縣以撥煩著調秦和徵入爲戶部
主事乞便養改南京刑部主事調戶禮二部歷員外郎
郎中出爲江西布政司左叅議會從賊作亂上命都
御史王守仁統兵征之守仁知宏才檄監軍督饒有功
捷聞詔加俸一等賊閔廿四等旣降復恃逆濠爲營窟
剽掠九江上下莫敢誰何宏毅然發兵捕之獲其輜重

以歸逆濠之將反也。是日候賀生辰留宴撫按藩臬諸司官。次日伏甲宮中伺舉官入謝遂殺都御史孫燧兵備副使許逵而勸囚諸官。宏遂械繫入獄。逆濠重其才遣人人獄說使同謀。宏瞋目大罵曰恨吾手中無刃不能止磔此賊。奈何。欽題公從逆乎。遂忿恚不食死。時年五十。逆濠心重之加棺斂焉。初逆濠久蓄異志士大夫常相對以爲憂。宏獨正色曰國家不幸有此我輩守土之官惟有死而已。至是卒以遂志。宏作宦始終於江西惠流威暢一死尤爲得正。士人至今不忘祀於南鎮。

者曰三公祠祀於南昌者曰旌忠而朝廷追念死事贈
爲太常少卿云子二紹文紹武宏既死紹文聞計赴難
此至難解求得棺委頓方甦以棺出僞命亟易去扶歸
君子多其識

江陰縣知縣錢鳴叔鐸

錢鐸字鳴叔其先吳興之安吉人七世祖喜典國初以
功授荊州百戶已徙承天護顯陵而鐸家在荊州遂以
荊州籍領嘉靖己酉鄉薦庚戌登進士第出知江陰鐸
性剛果遇事敢爲時倭夷亂浙東朝廷置督撫大臣鎮

之錚度浙直唇齒地彼有備賊必西向亟請繕城待之
明年癸丑城成而賊果犯蕪松又明年甲寅四月賊掠
江陰錚遣兵逆之斜橋三戰却之賊不敢偏城退營於
定山會歲侵江陰羣盜亦起錚恐其翼賊稍招輯之諫
其魁而解散其餘黨是年冬賊據柘林明年乙卯春賊
自柘林入三丈浦鵬陸疾趨青陽鎮已賊艘在三丈浦
者爲奉政任環所燬乃奪民艘南趨無錫攻城不克又
還趨江陰錚禦之於石幢矢盡繼以瓦礫錚被創殊死
聞賊遂遁去錚策賊意未消當復來預營華墅而陳賊

界樓來官兵斬首九級相拒久之死傷略相當乃更舍
常無賊三千人析其半寇靖江而餘航蔡港入伯城鎗
葉領應援靖江得報亟還江陰賊已渡大橋明日攻城
城守固賊移營蔡涇距城九里焚掠四野烟焰蔽天鎗
從城上望見賊日暮已暮署烈矣奈何與此賊俱生耶
乃騎而背賊決死戰時僉兵與所募甲卒僅千人先是
狼兵鎗鎗以法折之至是棄其薄賊故望風潰走鎗自
督其所從卒血戰良久鎗忽創墜馬復躍而上他賊
從旁戰之下死焉時六月十三日也明日縣人李鎗

其雖華開不得有謀其甲最其時者而之請緝其陳於
成飲事與詔贈錫光祿寺少卿進一子世錦在百戶
祠江上歲以春秋祀錫死年二十一

常熟縣知縣王德威銖 武清人

王銖字德威東陽人以成徙順天左驍衛遂家京師銖
自為諸生時偶僦有大志所與游皆四方豪傑間談論好
稱奇節常日笑咄咄豎儒不足其天下事為靖康子暴
於鄉與成登進士第會胡靖漢京聞銖名於京師大司馬

提一以從行間擊賊於都人士世之者上上論如題

人大王道東陽上先人冢具酒食大會族里意氣過甚
未幾拜常熟令邑海埔大豪多數亡命作姦監司微收
之鉄曰網疎則魚漏網急則磨驚招之便亡何諸大豪
躡踵至鉄盡貰其罪俾隸署中爲爪牙歲癸丑島夷入
寇其中震動鉄語諸大豪曰爾輩罪百吾不卽爾爾以
有緩急也倘一日寇來爾輩何以報我咸曰願效死鉄
乃立爲耆長俾部署子弟得數百人合邑中素練士教
射列陣至肝食命工利兵械試以擊刺無不應手靡者
邑故無城鉄請鑿司城之甬與修寇犯關山且內向市

人惶急走，銖擁泉壁野營，以瓦礫填壘，知有備而去。銖乃
提兵行築，凡三月而城成。明年夏四月，賊由海道入，
薄城北，矢礮交下，賊稍稍去。銖曰：「賊來未創也而去，其
辭我厚，倍繒具待之。」詰旦，賊果突至，銖督兵出兩道，縱
戰，斬首數級，賊潰走。五月，復入三丈浦大掠，銖馳擊，
乞援，領兵任環統苗卒應，銖比戰大捷，斬首一百五十級，
生縛七人，溺死者不計勝數，具越中論剿寇功，賜以三
文滿爲冠，自是銖料賊必不敢復犯我，卽化威爲笑，
年夏五月，賊掠旁邑，方將往，兵門向土湖，趣海上，銖

劍起曰：最虜乃尚敢涉吾地耶？吾不能坐令陽陽去時。
奉海鎮洋居憂於家，素善射。初寇至，從鉄登陴，偶而射
相顧沾沾喜。至是，洋從夷之鉄，益奮倉卒召諸耆長各
率所部，揚小艇數十追躡賊偵我入隘中，出不意夾攻
我。時獨耆長數人從鉄前，諸健兒皆後。數人者力閉死
鉄奮擊及渾不克進，怒髮上指，瞋目大呼而力剗腹中。
矣。洋亦聞而死。鉄時年四十二，監司列其狀聞於上。
詔贈太僕寺少卿，製六。賜長子汝祐錦衣衛百戶。
世勿絕。

錢汧字鳴教。世爲臨安人。辭出興越王鏐南渡時。徙居常熟。遂爲常熟人。登嘉靖乙未進士第。由侯官縣知縣。歷官陝西按察副使。以內艱家居。時倭夷爲三吳患。寇掠焚劫多所殺傷。而常熟濱海帶湖。罹禍尤慘。汧謁金鉉諱之曰。寇旣得志。勢必復來。公有守土之責。而吾父母之邦。墳墓親戚所在。忍坐視也。乃日與商略爲備禦。計練兵。飭甲。部分調遣。事甫就緒。而寇猝至城下。卽與鉞率衆急擊。連弩繼發。寇乃遁去。又明日寇自上湖北下直搗讓港。汧謂鉞曰。此可邀而擊也。部領民兵抗鏖。

出港轉戰而前殺傷相當俄而賊大衆掩至洋麾下烏
獸散衆寡不敵身被數創猶手刃三賊遂與鉄同死焉
是乙卯五月廿有四日也嗚呼承平日久所在備弛兵
興以來並海州縣徃徃閉城自守或不發一矢而洋非
有官守未始受命征討徒以桑梓之故慷慨激發摧鋒
陷陣竟以身殉豈不誠義烈也哉事聞天子震悼贈
卹之典悉與鉄等復遣官諭祭於其家

永福縣知縣周克光煥

周煥字克光浦江人資性穎悟博學能文章居家以孝

友。稱嘉靖戊午由貢授福建永福縣知縣。居官兩月。倭奴內犯。攻陷郡邑城池。所至風靡。煥率民兵晝夜督戰。斬獲百餘級。賊退憤甚。益衆併攻。煥勵志堅守。月餘力竭糧盡。外援不至。倭乃攀堞而入。煥揮刀躍馬。率敢死之士。踰血巷。戰力不支。爲倭所害。時一家死者八人。事平。福民白於上官。奏請特祠。旌其額曰忠勇。

隆世胄名賢

萬文質斌

子鍾係武文附

萬斌字文質其先定遠人也沉靜尚志節元季海內擾亂斌仗劍從太祖克滁和真三州授副千戶鎮滁洪武紀元調永平三年征沙漠大戰於阿魯完河死於敵長子鍾字榮祿襲副千戶十七年守禦定海累策軍功二十八年陞寧波衛指揮僉事三十二年從征花園亦死於敵孫武字世忠繼鍾僉寧波衛事永樂六年從黔國征南蠻又力戰而死文字世學事母至孝十年承兄

歲十六年日本寇邊率海艦追斬盜首若干級明年轉
禦桃渚忽颶風破舟溺焉一門四世皆死國事論者多
之

遼東都司都指揮同知李任

李任金華永康人洪武中襲父爵爲燕山右衛指揮僉
事從太宗皇帝起兵靖難以功陞遼東都司都指揮僉
同知鎮守彰德宣德元年從征叛賊黎利守昌江賊既
獲都督蔡福逼令福至冒江城下呼任等速降任於城
上罵福曰汝爲大臣不能殺賊反爲賊用徇死不若用

銳擊之賊懼禍去遂大集兵象樹雲梯四面夾攻任
與顧福等留老弱婦女守城率精銳出擊賊燒其攻具
賊又築壘射城中任夜出襲其營破之賊掘地洞欲潛
入任開橫溝用將軍石擊之入者輒死城中士卒初有
二千餘人前後三十餘戰至是死亡過半賊益兵象攻
圍日急相拒凡九閱月人力疲困芻糧匱乏賊遂陷城
而入任福率死士巷戰三敗之賊擁象益兵而入任福
力竭皆自刎死時宣德三年五月也內官馮智指揮
劉順知府劉子輔俱自縊死城中軍民婦女不受屈辱

自殺者數千人

崔有本源 二弟澄清附

崔源字有本世家雲中天性孝友深沉有智襲寧波衛指揮同知蒞政老成人不敢于以私正統十三年閩浙盜起從總兵寧陽侯勦捕累獲奇功檄禦金華殺賊一十七級生擒陳唐奇等五十人解京功陞署浙江都指揮僉事改徵武義一日火發連營源倉卒遇敵時仲弟澄季弟清從在營中源曰事急矣我當死之弟可自爲計卽應聲曰兄旣死忠我乃不能死義乎遂挺身而前

此日方戰死初廷明劉之入通其之歸然仲其十

一守海所副千戶口口口口

口忠字守誠其元隨州人孝於父母征一省功世襲守

三所副千戶至使二承父官傳後有為正德八年江西

湖賊王浩八作亂起劫浙東出是當道檄忠率兵剿捕

忠聞令并辭其母願謂妻曰吾母在兼由江寧事之

臣死忠吾不暇肉顧夫行主問化守華遠賊來至至

卒勸曰賊勢甚盛可避之忠怒提刀碎其背曰朝廷

兵百餘年一旦忘忠之為賊是直前持賊前殺數十人

無軍無援被敵攢刺墜馬死事聞雖其母嘗一歎

黃巖騎兵林文貴

林文貴台之黃巖騎兵也從千戶呂忠征姚源洞賊賊
聚焚至忠力戰死軍遂奔潰文貴臨陣大呼曰不可
一獨死於鋒前賊遂擁衆擒之脅使降文貴怒罵曰我
是朝廷命軍豈從爾賊賊縛貴於樹罵不絕口剖腹割
心而死事見諸祀山死事傳邑人董漢詩曰風雷日薄
牙旗倒華罕漢腥血曉轉生被縛心知鐵膝不可屈
尚可無恥哉高聲前滿身續得千年景卿舌古來盟官

吾家所難陽之風猶勝烈士公呂氏同死節一介草芥不
堪誰說於手施全亦側微吳山香火今猶焚

陳衣

陳衣昌國百戶也嘉靖癸丑倭寇入城表曰吾力無如
之何有死而已但所攝印多我死置印何地邪遂送母
出城納印於千戶金整出門追賊奮躍而死

火德光

火德光觀海衛火槍揮次子也中浙江武舉率海舟與
倭賊戰賊灼火毬拋德光舟德光親手接之還投賊舟

賊衆藏焉人皆異之由是屢立奇功嘗不與賊俱生賊屯普陀山率衆直搗賊營力屈爲熙肢解投海中

宋汝親應闢

宋應闢字汝親寧波鄞百戶中嘉靖庚戌武舉授正千戶掌印事執法不撓因每得下考軍門王忬獨奇之命取兵船於閩應期而至忬益委以兵寄客兵饋悍難馴應闢每約已裕稿而厲以軍法無不戢心聽命癸丑尋恭蒞直隸爲先鋒戰上海史家浜追賊至海寧二十里亭復從戰平湖戰白沙灣戰金山皆有功其戰史家浜

也。兵北賊追幾及。應淵急反弓發二矢。皆中賊項。貫其額。親兵復飛鎗殺四人。因廻戈大破之。應淵用是臨賊必身先士卒。竟以疲兵猝與賊遇於海鹽之孟家壠。不支而死。死時猶飛刀殺一賊。乃絕事聞。廕其子襲千戶。仍建祠城北。隅祀之。

秦彪

弟漢附

秦彪。爵溪所百戶。嘉靖壬子。倭賊登赤坎。攻游仙寨甚急。彪曰。游仙與爵溪唇齒。無游仙。是無爵溪也。先人道義汗馬。勲不死。戰而死。法何以見於地下乎。乃與弟漢

疾馳赴圍力不能支遂俱死焉。次年三月倭寇陷昌國。時致仕指揮吳彰携妻子避去。以死事囑其子道南。頃見其來驚曰若復來邪。失城守者死無赦。盍不爲忠義鬼乎。道南俛首不答。彰乃陰使其友人雜善者百方諷之。不從。竟死於法。論者每以秦彪事責之。

葉朝佩紳

韓紹附

葉紳字朝佩。寧波衛百戶。少不羈。習手搏。善雙刀。嘉靖乙卯五月。倭寇五十餘人流入橫石橋。紳偕千戶劉英領兵策應。至七里店。紳奮雙刀躍馬奪橋。獨進應者不

繼遂爲所殺。後二日賊西流至樟村。千戶韓綱復領兵防遏。猝與賊交。從兵皆散走。綱挺身獨戰死之。

劉大昌隆

劉隆字大昌。定海衛指揮使。以強幹屢勸總諸衛備倭。時海上寇起。許二陳思盼最盛。隆畫謀攻賊。卒平思盼。後賊入康頭。隆提舟師薄之。而我舟忽膠。隆腹中一矢益奮怒。鏖戰賊少却。遂揮諸舟競進。卒破賊。俘四十餘人。斬首百餘級。嘉靖壬子。遷把總。嘉興統舟師備乍澱。二浦。當松江七團。賊歸隆扼之。焚沉賊舟。俘斬首虜二

百餘艘、會破史家浜賊、隆又扼之、沉賊舟敵滿外洋、一日追賊、向暮黃霧四塞、隆以孤舟在賊圍中、逮曉從兵皆懼、隆大喊作氣、手發一地雷、衝十數舟、復殲二舟、俘斬復二百餘、陞署都指揮僉事、守備溫處、乙卯倭寇數百、將薄瑞安縣、隆整兵遽出、欲折其鋒、偏將尹千戶請旋師避之、隆不聽、徑往遇之、殺十餘賊、賊遁去、迺軍至田間、有數賊伏莽中、突起擊、隆不及應、遂及尹千戶俱死、事聞、贈都指揮僉事、仍與世襲。

劉大光爇

劉所字大光世爲寧波衛指揮使年二十襲父爵用薦陞贑州軍門把總未幾陞福建備倭總督嘉靖三十五年三月福清縣倭賊登岸盤據海口鎮官兵屢挫所領兵夜襲其巢賊遂奔潰由古田寧德望海而遁所即提兵由捷徑宵行趨寧德縣石壁嶺要賊逸路北至嶺陞倉卒布列未整而賊已至部伍散亂止家兵數人在側所顧懷印者曰亟去爲我保此印歸朝廷吾世受國恩死矣所即挺身執鐵鉞格殺三賊力盡無援賊衆擁至斃於賊刃所揮鐵鉞尚堅執不墮其勇烈如此御史吉

澄上於朝立廟祀之

海寧衛馬呈圖

姚弘采煉滿朝徐行健李元律附

馬呈圖海寧衛指揮嘉靖三十一年五月倭犯海鹽新
塘嘴呈圖聞報卽統衛卒同把總王應麟奮勇攻擊生
擒二十四倭餘賊驚遁縣境獲安次年四月倭酋八大
王者自青村登岸轉掠金山白沙灣所犯官軍俱經摧
敗呈圖提兵出城與賊鏖戰良久忽大風揚沙官軍驚
潰呈圖奮不顧直入賊圍身被三十餘創死當是時倭
寇被東南而海鹽最烈一時死事之賢繼呈圖而起者

若姚弘采煉浦朝徐行健李元律諸人皆海寧衛世祿
之胄能臨難不避慷慨櫛節齒刃若飴以報國恩卽古
烈士何以加焉今城北立祠合祀之題其額曰英烈蓋
鼓勇作忠以勸來者於不倦云爾

兩浙名賢錄卷之八終